



Na osnovu člana 2.9 stav (1) tačka 11. i člana 5.29 Izbornog zakona Bosne i Hercegovine («Službeni glasnik BiH», br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), Centralna izborna komisija Bosne i Hercegovine je na 12. sjednici, održanoj 09.02.2026. godine, d o n i j e l a

O D L U K U
o utvrđivanju i objavljivanju rezultata ponovnih prijevremenih izbora
za predsjednika Republike Srpske na 136 biračkih mjesta u 17 izbornih jedinica održanih
08.02.2026. godine

Član 1.

Centralna izborna komisija Bosne i Hercegovine utvrđuje i objavljuje rezultate ponovnih prijevremenih izbora za predsjednika Republike Srpske na 136 biračkih mjesta u 17 izbornih jedinica održanih u nedjelju dana 08. februara 2026. godine.

Član 2.

Sastavni dio ove Odluke, je tabelarni prikaz rezultata glasanja za ponovne prijevremene izbore iz člana 1. ove Odluke, po biračkim mjestima, političkim subjektima i kandidatima.

Član 3.

(1) Nakon utvrđivanja i objavljivanja rezultata ponovnih prijevremenih izbora iz člana 1 ove Odluke, Centralnoj izbornoj komisiji Bosne i Hercegovine može se podnijeti zahtjev za ponovno brojanje glasačkih listića u roku od 72 sata od dana utvrđivanja i objavljivanja rezultata prijevremenih izbora iz člana 1. i 2. ove Odluke, na način, u formi i pod uslovima kako je propisano odredbama člana 5.30 Izbornog zakona Bosne i Hercegovine, kao i prigovor na tačnost objavljenih rezultata izbora.

(2) Zahtjev za ponovno brojanje glasačkih listića i prigovor na objavljene rezultate ponovnih prijevremenih izbora za predsjednika Republike Srpske, podnosi se putem faks aparata na broj 033/251-329, elektronskom poštom na e-mail adresu kontakt@izbori.ba ili neposredno u sjedištu Centralne izborne komisije Bosne i Hercegovine, Ulica Danijela Ozme broj 7, Sarajevo.

Član 4.

Ova Odluka, stupa na snagu danom donošenja i objavit će se 09.02.2026. godine u 15.00 sati, na internet-stranici Centralne izborne komisije Bosne i Hercegovine www.izbori.ba, i smatrat će se da je danom objavljivanja ista dostavljena svim učesnicima u izbornom procesu.

PRAVNA POUKA: Protiv ove Odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove Odluke.

Žalba se podnosi putem Centralne izborne komisije BiH i dostavlja se na isti način kako je utvrđeno u članu 3. stav (2) ove Odluke, za dostavljanje zahtjeva za ponovno brojanje glasačkih listića i prigovora.

Broj: 05-1-07-1-238-1/26
Sarajevo, 09.02.2026. godine

